



Sc'i sun morc con Crist, viarunse ince con el. (San Paul)

La ploania d'La Pli tol comié da **Angela Frena ved. Rovara** († 27.05.2021, 88 agn) y ti fej les condolanzas ai familiars por la mort dla oma y lâ. Che le Signur la toli sô te sôa ciasa de lominus y de pêsc!

- **I laun la dljia:** en **dedolönesc ai 1 jügn** é i jogn periés da gní dles 19:00 ennant a stöpé jô la dljia y en **dedemesaledema ai 2 de jügn** é dotes/düc chi co sciafia periades/periés da gní dles 8:00 ennant a daidé laé la dljia.
- **Prozesciun d'Les Antlê:** la prozesciun con le Santiscimo fora Brach gnará tignida **domisdé**, do i **espi da festa**, deache signor ploan ne pordüj nia da fá döt danmisdé. Le vesco envieia che al vegni tigní ete les **mosöres de precauziun dal Covid!**
- **Corona por vocaziuns:** la corona gnará endô dita vigne **jöbia dan le pröm vendres ales 19:00**. Düc é bel enviés.
- **Pröm Vendres:** da sen ennant gnarál ince endô tigní le Pröm vendres ales 19:30 na **zelebrazion dla Parora de Dio**. Düc é bel enviés.



Enformaziuns y termins

Ministronc/Schira Jonila: ai 1. de jügn vegnel organisé dla KJS (Kath. Jungschar Südtirols) y da dai grups dai ministronc adöm con les schires joniles dla Val Badia en „**Mini-OpenAir-Gottesdienst**“. I enviun düc i mituns adöm con i geniturs, neni y lâs da tô pert. I s'encuntun ales 19:00 sön Badia, danló dla plaza dai auti da La Crusc, por jí a pe cina sô dal paiun olache al gnará zelebré la Messa. Ala fin sarál na picia aziun. A gauja dal Covid periunse düc da se tigní ales destanzes de sügherté y da ves recordé le mascherot. Families dess ciaré da sté tres adöm.

Zenter Families Mareo/1: le ZFM met da jí le curs "circle sounds" con Lucia Kastlunger, olache i mituns dla elementara podará emparé da fá musiga con döt le corp. Infos y iscriziuns anter i 30 de ma diretamonter a Lucia, ☎ 3382513763.

Zenter Families Mareo/2: les iscriziuns al ZFM por l'ann 2021 é davertes! Por gní a adancuntra ales families de döt le comun de Mareo sará eniann l'iscriziun debann y ara gnará fata anter i 06 de jügn sot le link: <https://forms.gle/nFnTs8iPdR6JLdX26>

Comune de Mareo: al ven lascé alessei che le zenter de reziclaje "Ciamaor" romagn en dedemesaledema ai 2 de jügn slüt.

Ocio: l'apoteca d'Al Plan sará slüta dai 7 cina ai 16 de jügn!

Döt le bun a:	Angela Pedevilla, <i>Bornech</i>	* 30.05.1939
	Pepi Erardi	* 03.06.1931
	Bonifazio Willeit, <i>Balsan</i>	* 04.06.1941
	Peter Trebo, <i>Bornech</i>	* 05.06.1940
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 Mhz



VAL BADIA
www.unitepastorala.org

Ann B

30.05.2021 - GRAN FESTA DLA SS. TRINITÉ

n. 27

Chel Bel Dio é comunité

📖 Deut 4, 32–34.39–40 | Rom 8, 14–17 | Mt 28, 16–20

Dal Vangelo do San Mateo:

Te chel tomp ¹⁶é i önesc discepui jüs tla Galilea sön la munt che Gejú ti á dé dant. ¹⁷Y canch'ai á odü Gejú, s'ai enlené dan da d'el. Mo valch dubitá. ¹⁸Danló ti é Gejú jü pormez y ti á dit: A me m'él dé döta la potesté tal ci y söla tera. ¹⁹Porchel jide da düc i popui y fajede fora de döta la jont mi discepui; bacedi tal ennom dal Pere y dal Fi y dal Spirit Sant, ²⁰y ensignedi da osservé döt ci che iu ves á racomané. Ciarede: lu sun pa os düc i dis cina ala fin dal monn.

I ponsun do: I sun bacés „tal ennom dal Pere y dal Fi y dal Spirit Sant“. Chel Bel Dio é te sôa sostanza comunité y ensciö fontana de vita y ejempl por vigne comunité umana. La fede tla Santiscima Trinité dess formé nosc comportamont te familia, tla comunité, tla ploania y tla sozieté. Vigne iade che i fajun le segno dla crusc desson se recordé: i sun motüs ete tal amur dal Pere, dal Fi y dal Spirit Sant y i podun se lascé porté da cösc amur.

I periun: Bel Dio, tö se lascés to pert a töa vita y a töa comunité. Fá ch'i odunse to amur y töes operes te nosc tomp, tö che te vires y regneies tl'eternité.



Vesco Wilhelm Egger "Sonntagsbibel"

📖 Letöres dla Gran festa d'Les Antlê - Corpus Domini:
Es 24, 3–8 | Ebr 9, 11–15 | Mc 14, 12–16.22–26

Edema liturgica dai 30.05. ai 06.06.2021

DOM 30.	GRAN FESTA DLA SS. TRINITÉ DOMEGNA DLES FAMILIES	<i>beat Otto Neururer, Ferdinand</i> <i>oferta por la ploania</i>
08:30	gran messa por les families dla ploania s.m. por perié de de bones families y santes vocaziuns s.m. por †† Angelica y Regina Ellecosta s.m. por †† Facchini - Braitò	♫ <i>grup dla Musiga</i>
10:00	<i>s.m. a Al Plan</i>	
Lön 31.	<i>Petra, Petronila, Metilde, Aldo</i>	
→ 14:00	s.m. de sopoltöra por † Angela Frena ved. Rovara, Plans	
Ded 01.	<i>Iustin, Sciomun</i>	
07:30	s.m. por †† Jep, Fonso, Emma y Maria Rovara, d'Aroth s.m. por † Maria Maddalena Burchia ved. Ellecosta, Val/Salaronz	
Dem 02.	<i>Marcellinus y Petrus, Eugen I., Stefan, Armin</i>	
Jöb 03.	<i>Karl Lwanga y compagns, Oliva - de d'oraziun do vocaziuns</i>	
→ 19:00	corona por perié do vocaziuns	
19:30	s.m. por †† Albert y Marianna Willeit, Plazores s.m. por † Sr. Magna Willeit, Damez s.m. por les Püres Armes	
Ven 04.	<i>pröm vendres - Clothilde, Crista, Quirin, Werner</i>	
→ 19:30	signor ploan va a prover zelebrazion dla Parora de Dio en onú dal Cör de Gejú	
Sab 05.	<i>Bonifaz, Igor, Ferdinand</i>	
07:30	s.m. por †† Tone, Nane y Franz Rindler, Nichele s.m. por † Carlo Ploner, Corterei	
18:00	<i>s.m. prefestia a Al Plan</i>	
DOM 06.	GRAN FESTA D'LES ANTLÈS - CORPUS DOMINI	<i>Norbert, Kevin</i>
08:30	gran messa por dōta la ploania 2ª s.m. de sopoltöra por † Angela Frena ved. Rovara, Plans s.m. por † Maria Ellecosta Brunner, Lüchesc/Valdaora → corona dla comunité por † Angela Frena ved. Rovara, Plans	<i>oferta por la ploania</i>
→ 14:00	espi da festa y prozesciun eucaristica con 2 vangeli fora Brach	
10:00	<i>s.m. a Al Plan</i>	
<i>ministronc:</i>	<ul style="list-style-type: none"> • dedolönesc y sabeda: Andreas y Marco • jöbia y domegna: Jan y Pire 	



Aprisc de lalt ala Trinité

Tal ennom dal Pere y dal Fi y dal Spirit Sant. - Amen

Dio, nosc Pere, creatur dal ci y dla tera, en te viuense, en te s'armerunse, en te sunse.
Lalt a te por dagnora.

Gejú Crist, nasciü dal Pere dan da düc i tomps, Dio da Dio, lominus da lominus, der Dio da der Dio, desco porsona umana este diventé nosc fre.
Lalt a te por dagnora.

Spirit Sant, adöm con le Pere y le Fi ilomineieste i cörs dla jont y i emplesces con to amur.
Lalt a te por dagnora.

Gloria al Pere y al Fi y al Spirit Sant.

Desch'al é sté, desch'al é y sará por dōta l'eternité. - Amen.

do "Gotteslob"



Por la domena dles families



Benedisse önn y l'ater

Con la benediscion él Chel Bel Dio co ô se fá avei ci co é bun por nos. Desche El ti é dlungia ala porsona tres la benediscion, ensciö podunse ince nos se sté dlungia con nosc amur y diventé por nos benediscion. Con le segno dla crusc desmostrunse nosta amizizia con Chel Bel Dio y i se recordun de so amur. I confidun sön el.

Parores de Benediscion

- ✦ "Chel Bel Dio te benedesci y ciari de te!"
- ✦ "Pa Chel Bel Dio este al sogü!"
- ✦ "Chel Bel Dio te benedesci!"
- ✦ "Chel Bel Dio t'ô bun!"
- ✦ "Chel Bel Dio te dá i sōa proteziun!"

I podeis

- se fá na bela aicia
- se meter sō les mans
- se fá le segno dla crusc sōla frunt.

Diözese Bozen-Brixen - Amt für Ehe und Familie



"Con Ojep da Nazaret fora por cösc ann y fora por nosta vita" (7)



I envocun Ojep desco patron por na bona mort: che i viuense aladò da podei lascé cösc monn en pêsc con düc; che i podunse dé cunt de nosta vita y che nosta mort sii che encuntada, por chera che nos porsones sun gnüdes cheriades y orüdes.

Odei Ojep desco patron de chi co é da morí fej pert de na pastorala co é dlungia ala jont te tomps olá che al cresc la tema iustificada de trepes porsones vedles y püres da messei passé sōes ultimes ores sön cösc monn bel da sores.